

宋

會

要

州縣陞降廢置

熙河路元豐五年二月十三日熙河路加蘭會二字元祐四年八月二日改為熙河蘭岷路元符元年八月一日仍舊為熙河蘭會路崇寧四年正月一日改為熙河蘭湟路宣和二年三月十五日改為熙河蘭廓路紹興九年改為熙河蘭華路大觀三年正月二十九日詔

曰國家誕受多方靡間并包之度奄有四海咸歸覆燾  
之仁朕獲承至尊克紹先烈惟湟川之沃壤暨鄯成之  
與區失自有唐復于今日顧封陞之廣斥已軼河源肆  
聲教之遐敷有光禹迹民風丕變遠侯不驚迺眷四州  
實控二道金湯既固庶無疆場之虞耒耜方興佇底坻  
京之積爰綏有衆永孚于休湟州賜名嚮德軍陞為節  
鎮西寧州為賓德軍鄯州為防禦洮州為團練 元祐  
二年閏九月四日詔以青唐為鄯州仍為隴右節度邈  
川為湟州宗哥城為龍支城鄯州湟州并河南北新收  
復城寨並隸隴右仍屬熙河蘭會路 元祐二年八月  
八日熙河蘭岷路經畧使孫路言王瞻已收復邈川城

遼川孫古湟中之地北控夏國甘涼西接宗哥青唐部  
族繁庶形勢險要南距河川百九十餘里東至蘭州二  
百餘里請建為湟水軍詔路詳累降約束指揮施行  
崇寧四年正月一日詔熙河蘭會路宜以熙河蘭會湟  
路為名政和七年三月二十三日詔熙河鄯湟日開  
拓已來疆土雖廣而地利悉歸屬羗官兵吏祿仰給縣  
官不可為後法仰本路帥臣相度以錢銀茶絲或以羗  
人所嗜之物與之貿易土田既多即招買弓箭手入耕  
出戰以固邊圉紹興九年六月十二日樞密院言熙  
河蘭廓路經畧安撫司奏本路舊管一十州軍以熙河  
蘭廓路經畧安撫司為稱昨因兵火將河外西寧樂廓

等州官吏軍民移邠前來河裏諸州緣此行移止以熙  
河路經畧安撫司稱呼今承樞密院劄子為遷割河南  
故地事劄付熙河蘭廓路經畧安撫司本司所割別無  
廓州未審如何稱呼詔以熙河蘭鞏路為名

熙州狄道縣熙寧五年收復置九年廢元豐二年復  
熙寧五年八月以唐臨州地羗人號武勝軍地置鎮洮  
軍十月改熙州臨洮郡鎮洮軍節度

蘭州元豐四年九月建州為帥府以熙州為列郡 蘭  
泉縣崇寧三年建

西寧州舊鄯州崇寧二年陞為隴西節度仍置都護大  
觀二年改為西平郡作中都督府尋為隴右節度加賓

會州數文  
院崇寧三  
年建  
提和州下

德軍 大觀七年七月六日詳定九城圖志所言新附  
州軍除典籍該載可以斟酌外今西寧州乞以西平為  
郡名為中都督府庭州以懷德為郡名為下州  
紹興十四年三月十六日詔岷州可改為西和州  
廓州元符二年廢為城崇寧三年復為州防禦 崇寧  
二年九月一日熙河蘭會經畧王厚奏將來建置城寨  
乞以鄯州為隴西節度仍置都護湟州為副都護溪哥  
城乃古積石軍今當為州乞置河南安撫司廓州去鄯  
百里而近止為城置知城其餘辟差官吏分屯人馬等  
悉條上並從之三年六月二十三日熙河蘭會路措置  
邊事司言昨相度廓州建為寧寨城已準依奏今再相

度宜建為州鎮守疆場以保邊防詔寧塞城賜名廓州

宋會要

洮州大觀二年以臨洮城陞為州團練

樂州舊遼川城元符二年建為湟州崇寧二年為副都

護大觀二年賜名嚮德軍節度宣和元年改今名

綏州上郡舊領隴泉城平綏德延福大斌五縣唐末陷

吐蕃熙寧二年收復廢為綏德城

震武軍政和六年建至道元年五月二十日詔靈州

界定遠鎮宜建為軍仍以威遠軍為額

太原府唐大都督太原河東節度使太平興國四年

平劉繼元降為軍事州嘉祐四年復為太原府河東節

度大觀元年陞為大都督府 平晉縣隋晉陽縣劉崇  
改樂崇建隆四年來降以為平晉軍太平興國四年改  
為縣熙寧三年廢陽曲縣 太原縣太平興國四年廢  
隸榆次縣 交城縣四年以縣置大通監寶元二年復  
來隸 陽曲縣七年徙州治于縣之唐明鎮 太國興  
國四年五月十日詔曰乃眷太原本雄藩鎮蓋以山川  
險固城壘高深致奸臣賊子違天拒命因其悖逆誑誤  
軍民今既盪平議須更改當令衆庶永保安寧其太原  
舊城並從毀廢仍改為平晉縣別于榆次縣初立并州  
政和五年四月六月戶部言太原府舊平原縣太宗  
皇帝復河東駐蹕之地熙寧初以汾水溢而廢請復為



縣從之

舊潞州唐昭義軍節度

崇寧三年陞隆德軍為隆德

府仍還昭德舊節

黎城縣熙寧五年廢黎城涉二

縣

汾西縣太平興國七年徙今治

和川縣熙寧五年廢

為鎮隸冀氏縣元祐元年復

襄陵縣天聖元年徙治

晉橋店熙寧五年廢州以鄉寧縣分隸

元豐二年三月十七日知晉州王說言百姓輸納辭訟

日遠不便酒稅歲失官課兼竊稽趙氏之先季勝生孟

增孟增生衡父衡父生造父周繆王賜造父以趙城今

趙城是也由此為趙氏乃是國家得姓始封之地不與

他縣邑比故復之

平陽府舊晉州陞為平陽府

政和六年八月二十八

日手詔祖宗以來賜履踐祚之地皆建府號晉壽齊三  
州乃太宗真宗英宗封建之邦有司失于申明懼不足  
以仰對在天之靈而俯慰邦人之望可並陞為府晉為  
平陽壽為壽春齊為濟南

開寶五年十二月四日詔曰眷彼麟州地連金澤懷柔  
鎮撫實曰要區得分節制之權以重藩宣之寄宜陞為  
節鎮以建寧軍為名唐建寧軍節度瑞拱元年以建州  
軍額同改鎮西軍乾德初移治吳兒堡新秦縣政和  
四年廢銀城連谷二縣併入慶曆四年四月二十八

日帝謂輔臣曰上封者數請廢麟州以其饋糧勞力民其利害如何章得象曰麟州四面蕃漢戶皆為元昊所掠今野無耕民故一路困于饋運欲更為寨徙其州少近附州以省遷民之役帝曰州不可廢但徙屯軍近府州別置一城亦可紓其患也政和四年四月十四日詳定九域圖志所編修官蔡經國劄子照舊九域圖志並載麟州管下新秦銀城連谷三縣各有所管堡寨山川界分本州今供却只作新秦等縣其銀城連谷並屬新秦本所致未敢便作新秦一縣修立合取自朝廷指揮詔麟州管下新秦等三縣今後只以新秦縣稱呼其銀城連谷縣並廢罷併入新秦縣

府州崇寧元年改為靖康軍建炎元年改府州靖康軍  
額為保成軍政和五年八月二十日詔以府州為滎河  
郡建炎元年七月二十七日知府州折可求言府州  
軍額舊係永安軍緣犯陵名准朝旨改為靖康軍入與  
年號相礙乞行政稱詔以保成軍為額

絳州宋朝陞防禦

代州乾德元年陞防禦唐林縣景德二年廢隸岢嵐縣

### 宋會要

隰州吉鄉縣熙寧五年廢慈州來隸即縣治置吉鄉軍  
使

忻州定襄縣熙寧五年廢隸秀容縣

嵐州樓煩縣唐樓煩監咸平五年移憲州治于靜樂縣  
以此城依舊為樓煩縣隸州

汾州孝義縣熙寧五年廢為鎮隸介休縣元祐元年復

### 宋會要

憲州熙寧三年廢嵐州十年復置靜樂縣咸平二年  
陞縣為軍五年徙憲州於靜樂縣仍併立地天池二縣  
入焉熙寧三年州廢隸隸嵐州十年復置州來隸政  
和五年八月二十日憲州為汾源郡

慈州文城郡團練領三縣熙寧五年廢州為吉鄉軍以  
文城縣為鎮入吉鄉縣隸隸隸州省鄉寧縣析其地隸晉  
絳二州六年省昭德縣為鎮隸隸隸陽縣

不統縣政和五年為寧豐郡

遼州樂平郡軍事領四縣熙寧七年州廢省平城和

順二縣入遼山縣隸平定軍榆社縣入威勝軍武鄉縣

元豐八年復平城縣和順縣熙寧七年廢州省二縣

為鎮入遼山縣隸平定軍榆社縣熙寧七年廢為鎮

隸威勝軍武鄉縣元豐八年復置州縣復來隸

唐苛嵐軍後廢為嵐谷縣太平興國五年復為軍嵐

谷縣五年自嵐州來隸熙寧三年廢元豐六年復

寧化軍太平興國五年以嵐州寧化縣置軍寧化縣

五年以嵐州之固軍為縣來隸熙寧二年廢縣元祐元

年復崇寧三年又廢崇寧三年七月六日河東路察

卷一百零八  
司奏寧化軍管下倚郭寧化縣戶口不多職事稀簡昨  
熙寧中已經相度廢罷至元祐間止緣本路有合興復  
縣鎮一例却復為縣即別無利害乞依舊廢罷從之

宋會要

威勝軍太平興國二年以潞州銅鞮縣亂柳石園中建  
為軍 銅鞮縣武鄉縣二年自潞州來隸 源縣六  
年廢沁州來隸 綿上縣寶元二年自大通監來隸  
太平興國二年四月四日八作使李繼昇言先受詔潞  
州北亂柳石園中修築城池畢詔曰要衝之地控扼攸  
宜特築軍城以壯戎備宜以威勝軍為名  
平定軍太平興國四年以并州廣陽縣建軍 廣陽縣

四年改平定自并州來隸 樂平縣四年自并州來隸  
遼山縣熙寧七年廢遼州來隸

沁州陽城郡軍事領三縣太平興國六年廢州以和川  
縣隸晉州沁源縣隸威勝軍綿上縣隸大通監

晉寧軍元祐二年八月二十四日樞密院言河東路經  
畧使林希奏元豐中進築未脂葭蘆吳堡三寨以嵐石  
之人始戍河西然密睥麟府猶迂十舍自前年復葭蘆  
後築神泉為龍通接麟延稍相屏蔽嵐石遂為次邊麟  
府不為孤絕實自先帝經始葭蘆為今日通道之根本  
望建葭蘆為軍以章先烈詔特建為晉寧軍 大觀三  
年九月九日河中安撫使洪中孚奏昨準御前劄子晉



寧軍管下臨泉縣元係撥到石州定胡縣十分之四晉  
寧係極邊兼本路安撫只有一縣戶口不多恐未能資  
一軍六寨之費若將定胡縣併歸本軍有無未便詔仰  
帥臣契勘聞奏取到人戶狀別無不便從之

靜樂軍咸平二年以憲州靜樂縣為軍五年廢入憲州  
熙寧五年五月八日詔曰列城障寨控制外蕃審其  
形勢之宜當處要衝之地俾遷治所用壯邊陲宜以靜  
軍置憲州在靜樂東南領樓煩立池天池三縣治樓煩  
至是以地非要害且卑隘多水潦遂議徙置初嵐州靜  
樂縣北三十里有寨因縣為名咸平二年為軍至是置  
州徙靜樂縣治郭下廢立池天池二縣入馬以樓煩縣

隸嵐州

大通監太平興國四年以并州交城縣置監以沁州綿  
上縣隸焉寶元二年以交城縣遷隸并州俾知縣兼領  
監事以綿上縣隸威勝軍 永利監咸平四年建河東  
推鹽院為監

淮南路太平興國元年分東西路後併一路熙寧五年  
復分二路 紹興五年正月二十四日三省言依近降  
德音淮南累經殘破理合權宜減省今條具永州欲權  
廢為高郵縣隸陽州興化縣依舊隸泰州舒州欲廢三  
縣蘄州欲廢兩縣和州滁州楚州無為軍等處欲並廢  
一縣仍令逐州守臣量度戶口多寡地里遠近各具合

廢縣分申帥司保明申尚書省其廢併去處各置監鎮  
官一員從之紹興五年七月七日詔高郵縣陞為軍額  
差知縣兼軍使祇以見任官吏軍兵為額更不增添從  
都督行府請也三十一年四月十九日權發遣淮南路  
轉運副使楊杭言楊州高郵縣元係軍額昨緣兵火一  
時權宜為縣今來戶口在淮東最為盛處第去楊州遠  
遠民戶輸納不便兼縣界所管運河堤岸接連湖漑深  
遠豪右猥通奸通利慮致引惹生事乞依舊改為高郵  
軍所有合置軍事判官錄事司理司法叅軍兵馬都監  
監在城酒稅務高郵縣令縣尉兼主簿乞各置一員指  
使共置四員更不須添差不釐務指使之類其合置官

許漕司同本軍守臣路遂委可倚仗之人奏辟自餘合  
行事件乞依時貽軍元降指揮體例施行仍乞下所屬  
給降見錢二萬貫米三千石應副支遣詔知軍就差呂  
令問錢于揚州紹興三十一年分未起經總制錢內米  
於常平米內並依數支撥餘從之 皇祐三年正月二  
十四日詔江寧府揚州廬州洪州福州並帶提轄本路  
兵甲賊盜公事並屯禁兵仍分淮南為兩路揚州為東  
路廬州為西路 大觀元年十二月十二日詔東南久  
安兵寡勢弱人輕易搖或遇水旱巨盜竊發當謹不虞  
之戒用消奸萌可以揚杭越江寧洪荆南福潭廣桂為  
帥府選侍從官或帶職人為帥仍兼總管真潤明江虔

靖邵泉封邑為望邵選曾任監司郎官卿少以上人為守

揚州唐淮南節度建炎元年陞為帥府 天長縣唐縣周改天長軍至道二年復為縣宋隸建炎元年陞為軍四年廢為縣紹興十一年復陞為軍十二年復為縣隸盱眙軍 高郵縣開寶四年以縣建高郵軍熙寧五年軍廢縣宋隸 廣陵縣熙寧五年廢隸江都縣 泰興縣建炎四年割隸泰州紹興五年依舊宋隸 紹興五年二月二十八日詔楚州淮陰縣泰州興化縣並廢併為鎮

宿州臨渙縣宋中祥符七年隸亳州天禧元年復宋隸

靈璧縣元祐元年以鎮陞為縣七月廢為鎮七年二月復為縣政和七年改零為靈 大中祥符七年正月二十一日詔割宿州臨渙縣隸亳州其稅戶差徭依真源縣例施行 天禧元年縣復還隸宿州但析天淨官大李一鄉隸亳州蒙城縣 元祐元年四月二十五日戶部言宿州零壁鎮在符離新虹三縣之中盜賊轉徙艱于迹捕良民不得安業欲乞將三縣近零壁鎮鄉管割隸本鎮仍以本鎮為縣從之

保靜軍舊宿州建隆元年陞為防禦開寶五年陞為保靜軍節度劉豫改為防禦州紹興九年收復依舊

楚州蓋城縣開寶九年自泰州來隸紹興元年撥隸連

水軍三年還隸 連水縣太平興國三年自泗州隸連  
水軍五年廢軍縣來隸建炎四年陞為軍紹興五年復  
為縣十一年陷三十二年收復依舊來隸 建炎四年  
五月二十四日詔楚州連水軍雖有軍額自來祇差知  
縣隸楚州事力卑弱可令依舊額更不隸楚州其合行  
事件並申取鎮撫使指揮施行 紹興元年八月九日  
詔楚州管下鹽城縣撥隸連水軍以權發遣連水軍吳  
誠申收復楚州鹽城山陽兩縣樞密院言勘會山陽縣  
雖吳誠收復係楚州倚郭合還楚州時朝廷慮連水軍  
養贍吳誠所部軍馬不足故有是詔 三年二月十八日  
權發遣楚州揚揆言鹽城縣係產鹽地分全籍課稅應

副本州并連水軍舊係本州屬縣近改軍額將鹽城縣撥隸連水軍本州屯戍用度不少乞依舊將鹽城縣撥還本州詔依其連水軍聽楚州沿淮安撫司節制五年閏二月十九日詔連水軍依舊充連水縣隸楚州知縣兼充軍使以淮東安撫司言連水軍地界不廣戶口凋瘵依德音可以併省故有是詔三十二年三月三日淮南東路安撫轉運提刑司言連水縣舊隸楚州昨緣金賊占據地界隔絕權隸海州今收復了當兼每楚州對岸相去海州二百餘里地程遙遠乞將連水縣依舊撥屬楚州從之三十二年十一月二十三日江淮東西路安撫使司言連水縣已得旨隸屬海州昨差



忠義純制郭昇知縣事緣本縣去海州二百四十里道路艱遠乞陞為軍額隸本路帥司從之淮陰縣熙寧十年沂泗州臨淮地入焉紹興五年廢為鎮六年復吳城縣紹興三年廢為鎮紹興三年十一月九日淮南東路安撫提刑司言楚州吳城縣所管止有八十八戶乞依舊為鎮隸淮陰縣差置武臣監鎮廢罷巡檢縣尉從之六年八月一日楚州言據士民景昇等狀乞將淮陰鎮依舊為縣從之海州東海縣開寶三年以月止縣東海監為縣

宋會要

秦州周為團練乾德五年降軍事泰興縣乾德二年徙治

柴墟鎮 興化縣建炎四年撥隸高郵軍紹興五年軍  
廢復來隸是年廢為鎮十九年復為縣 紹興五年三  
月八日詔泰州泰興縣并柴墟鎮及連化鄉撥隸揚州  
以知揚州葉煥言前任守臣湯東野宋孝先在任已得  
指揮將泰興縣并柴墟鎮連化一鄉撥隸揚州因虜人  
侵犯權隸泰州上件縣鎮鄉不經虜人入境即有稅入  
可助揚州經費乞還隸揚州故有是詔 紹興二十年  
八月四日詔復泰州興化鎮為縣從本路諸司請也

### 宋會要

泗州招信縣舊名昭義乾德元年自濠州來隸太平興  
國元年改建炎四年撥隸濠州 紹興二年復十一年

隸天長軍二十年隸盱眙軍 建炎四年九月十七日

詔泗州招信縣特割屬濠州以劉綱言蒙朝廷指揮今  
綱帶萬人聽呂頤浩使喚餘人發歸本鎮緣綱世居泗  
州所統之衆類多土人今朝廷已分泗州隸趙立鎮撫  
令綱所部却歸濠州則人各思歸勢必離散尚書省勸  
會劉綱世居招信理宜措置分隸故有是詔 紹興十  
一年十二月九日樞密行府言泗州淮河南岸盱眙招  
信兩縣欲將揚州天長縣陞作天長軍其盱眙招信兩  
縣撥隸本軍所有知軍并盱眙知縣從朝廷選差曾經  
遷任歷練民事武臣充仍于盱眙縣置權場專差有才  
幹官一員措置管幹從之

真州乾德二年以揚州永正縣迎鑾鎮為建安軍大  
觀元年陞為望郡政和七年為儀真郡楊子縣舊名永  
正雍熙二年自揚州來隸大中祥符六年改六合縣至  
道二年自揚州來隸政和七年為靜海郡  
通州政和七年以通州為靜海郡

高郵軍開寶四年以揚州高郵縣建軍熙寧五年廢軍  
並以縣隸揚州元祐元年復置紹興五年廢為縣隸  
揚州是年十月為軍使三十一年復陞為軍建炎四  
年五月二十四詔高郵軍可改為承州分割泰州興化  
縣隸屬其揚州泰興縣舊屬泰州却依舊撥還  
連水軍太平興國三年以泗州連水縣置軍熙寧五年

廢軍以縣隸楚州紹興三十二年十一月二十三日以  
海州連水縣建軍

滁州來安縣紹興五年廢入清流縣十八年復乾道九  
年閏五月三十日廢為鎮隸清流縣紹興十八年八  
月十八日詔復滁州來安鎮為縣從本路諸司之請也  
紹興五年閏二月十九日淮南東路宣撫使司言滁  
州欲廢一縣今權知軍州事河洋躬親詣本州管下清  
流來安全椒三縣量度戶口多寡數內來安縣殘破尤  
甚戶口數少今乞廢併屬清流縣其來安縣只置監鎮  
一員欲就差承節郎權來安縣尉張仲武充監鎮管幹  
本鎮公事兼監稅餘官屬並罷從之

盱眙軍舊泗州盱眙縣建炎三年陞為軍四年廢為縣  
紹興十一年隸天長軍十二年復陞為軍割天長招信  
兩縣來隸 建炎三年六月一日詔盱眙軍並依天長  
高郵軍例施行 建炎四年九月二十二日詔趙立除  
楚泗承州連水軍鎮撫使兼知楚州王林知承州天長  
軍依舊為天長縣隸揚州盱眙軍依舊為盱眙縣隸泗  
州以立立等奏承州天長軍鎮撫使薛廣援揚州應敵  
未到慶下統制王林權承州事故有是詔 紹興十二  
年九月九日中書門下省言盱眙縣係與泗州對境使  
人往來直至天長軍沿路別無管待去處詔盱眙縣陞  
為軍天長軍依舊為縣隸本軍 九月十六日知盱眙

軍沈該言初置本軍合用印以盱眙軍印四字為文乞  
行鑄造本軍官屬除通判從朝廷選差外昨來天長軍  
有判官一員右文林郎施璋司理一員右迪功郎胡望  
之司法一員右迪功郎孫守信兵馬監押一員保義郎  
向居仁今乞依上件員數就差候臣到任取會逐官願  
狀先次借職申朝廷別給付身如合別行差人即乞從  
該踏逐具姓名申朝廷辟差天長軍昨添置指揮使二  
員許臣踏逐有心力能幹之人不以大小使臣校副尉  
下班祇應不依常制辟差權場全藉有才力之人管幹  
切慮內有不勘倚仗之人欲乞從臣踏逐申朝廷剋換  
各不理遺闕本軍未有常賦所有官兵請給及過往批

請等支遣乞依天長知軍劉武經例下本路轉運司或  
近便官司支撥錢米應副本軍公使庫合除歲賜錢物  
及許造酒數目乞候該到日体訪天長軍例別具數目  
申乞給降施行勘會天長縣見有寄椿曹烜銀詔令沈  
該于前項銀內取撥一千兩片令胡紡于近便大軍米  
內支一千石津發前去應副支用餘從之 紹興元年  
四月八日通判建昌軍莊綽言竊見大觀中忌諱日廣  
君主龍天萬年萬壽之類縣邑稱呼名字例皆改易有  
識觀之以為靖康之讖欲乞應緣避前項衆字所更縣  
邑鄉村寺院等名並令如故進奏院供到元避字去處  
海州龍首巡檢等處詔並令改正更有似此去處今所



屬申尚書省進奏院狀海州龍直巡檢今改為直城巡  
檢邠州龍泉鎮改為清泉鎮汝州龍興縣改為寶豐縣  
西京龍門鎮改為通洛鎮嘉州龍遊改為嘉祥縣循州  
龍川縣改為雷鄉縣袁州萬載縣改為建城縣處州龍  
泉縣改為劔川縣鼎州龍陽縣改為辰陽縣濟南府龍  
山鎮改為般水鎮龍州改為政州化州石龍縣改為羅  
川縣河中府龍門縣改為河津縣中山府龍泉鎮改為  
雲泉鎮衢州龍遊縣改為盈川縣常州武進縣萬歲鎮  
改為阜通鎮秀州青龍鎮改為通惠鎮吉州龍泉縣改  
為泉江縣涪州武龍縣改為枳縣 紹興十年八月二  
日尚書省言收復到宿亳徐海州未會撥隸路分詔宿

州海州隸淮東亳州隸淮西徐州隸京東

西路紹興五年六月九日淮西安撫使言舒州合廢三縣相度除桐城懷寧兩縣依舊及存留望江縣外欲將太湖縣併入懷寧宿松縣併入望江縣蘄州欲廢羅田縣為羅田鎮隸蘄水縣廢廣濟縣為廣濟鎮隸蘄春縣仍置監鎮務一員兼烟火公事和州乞廢馬江縣併入歷陽烏江縣無為軍乞廢巢縣為鎮從之

壽春府舊壽州政和六年陞為壽春府劉豫改為壽州紹興九年收復依舊寄治安豐縣十二年置安豐軍遂廢紹興三十二年十二月二十九日以壽春縣為壽春府淮北壽春府為下蔡縣乾道三年十二月十五日壽

春府改為安豐軍蒙城縣舊隸亳州紹興九年來隸  
紹興九年四月十八日樞密院言壽春府見於本府安  
豐縣寄治其舊府係在淮北今已交割地界了畢詔壽  
春府自合隸淮西路其移治令孫暉相度聞奏孫暉奏  
壽春府舊城係淮河泓沅去處委是利便從之六月  
十六日壽春府言乞將蒙城縣依舊隸本府從之隆  
興二年十月五日吏部言昨降旨壽春縣改為壽春府  
安豐軍改為安豐軍使隸屬壽春府今合以安豐軍使  
兼知壽春府安豐縣事兼營田為稱詔王希呂差權安  
豐軍使兼知壽春府安豐縣事兼營田日後令吏部依  
條差注

六安軍政和八年以壽春府六安縣陞為軍

蘄州羅田縣元祐八年以石橋鎮陞縣紹興五年廢為鎮是年復廣濟縣紹興五年廢為鎮六年復紹興五年十月十三日蘄州言乞將羅田鎮依舊為縣從之紹興六年正月二十二日提點淮南兩路公事言相度蘄州廣濟縣乞依舒州太湖宿松縣例免廢為鎮從之

天長軍周以揚州天長縣建軍至道三年廢縣還舊隸宋會要

舒州太湖縣紹興五年廢入懷軍縣是年復宿松縣紹興五年廢入望江縣是年復紹興五年七月二十

七日詔舒州太湖宿松縣仍舊前降廢併指揮不行  
和州烏江縣紹興五年廢為鎮七年復紹興七年四月  
二十二日司農少卿樊賓言和州烏江自改為鎮之後  
戶口日漸增盛乞依舊為縣從之 二十八年二月二  
十二日禮戶部言西和州申本州元係岷州後改為西  
和州其間名稱未正乞改純禮觀為天慶觀廣慈院為  
報恩光孝禪院酒稅務為在城清酒商稅務鎮司并廂  
司烟火公事委都監市令司委知錄其餘戶婚民訟歸  
倚郭長道縣或理斷未盡許訴于州從之  
光州宣和元年為光山軍節度 光山縣紹興二十八  
年改為期思縣三十一年依舊 五年七月十四日詔

原本  
作通

光州褒信縣移治淮南上由市以褒信為鎮為名擇土  
豪首領補下班祇應充監鎮兼烟火盜賊公事以淮  
西宣撫使司言近偽界故也紹興二十八年五月十二  
日詔改光州為蔣州光山軍額為寧淮軍光山縣為期  
思縣光化軍為通化軍光化縣為遵化縣

安豐軍舊壽春府安豐縣紹興十二年陞為軍割壽春  
府六安霍邱壽春三縣來隸紹興三十二年十二月二  
十九日即縣為軍使兼壽春府安豐縣事乾道三年十  
二月十五日安豐縣使依舊為縣隸本軍乾道二年  
九月十七日吏部言壽春府已改安豐軍安豐軍使依  
舊改作安豐軍其屬邑知縣欲依舊並兼主簿監稅從

之 紹興十二年正月十九日詔安豐縣陞為安豐軍  
以壽春霍邱六安三縣隸本軍 紹興十二年四月十  
九日權發遣安豐軍事于澤言安豐縣陞為軍其安豐  
縣即未有存廢指揮詔安豐軍許置倚郭安豐縣  
廬州大觀二年陞為望郡梁縣舊縣與孝宗御名同音  
紹興三十二年十月三日改 紹興三十二年十月三  
日試給事中金安節等言廬州管下一值縣與御名同  
音合避詔下給舍案本州圖經縣在陳為梁郡至隋開  
皇初郡廢為今名今欲從舊改作梁縣從之  
安慶軍舊舒州政和五年改德慶軍紹興十七年改為  
安慶軍

利豐監偽唐鬻鹽之所在通州城南太平興國八年移  
治州西南琅山後廢

海陵監偽唐於泰州海陵縣置鬻鹽監開寶七年移治  
于如皋後廢

鹽城縣偽唐於泰州鹽城縣置鬻鹽監太平興國二年  
隸楚州大中祥符二年廢為倉



宋會要地理

臨安府淳化五年十月十四日詔曰浙右與區餘杭故壤間闔舊俗有延陵廉讓之風組練雄師知孫武訓齊之令控於滄海實曰大藩宜節制之名用洽底寧之化杭州鎮海軍改為寧海軍大觀元年陞為帥府建炎三年十一月三日敕杭州兩浙都會今以邊面移帥司在鎮江府於控扼未便其守臣可令帶浙西同安撫使領杭湖嚴秀四州仍杭州為臨安府臨安縣舊名安國太平興國三年改今名隸順化軍五年軍廢縣復來隸南新縣熙寧五年廢縣為鎮隸新城縣蘇州平江府互見後唐中吳軍節度政和三年陞為

平江府平江軍節度 五月十七日手詔朕獲承聖緒撫有方夏迺睠三吳之重鎮實惟二浙之名區俗號富饒民知禮義昔在紹聖嘗建節旄有司因循未遑表異朕仰稽故事俯酌師言爰即軍名肇新府號以慰一方之望以彰上帝之休俾億萬年永有慶賴豈不偉哉蘇州可陞為平江府

潤州鎮江府互見

唐為浙江西道團練觀察亦為鎮

海軍節度開寶八年十月二十日詔曰鎮海之號丹徒舊軍自浙西之未平命餘杭而移置爰茲尅復方披化條宜別賜於軍名用永光於戎闔其潤州舊號鎮海軍宜改為鎮江軍 大觀元年陞為望郡政和三年升為

鎮江府鎮江軍節度

湖州唐宣德軍節度

越州大觀元年陞為帥府紹興元年十月二十六日詔  
越州陞為紹興府守臣陳汝錫言車駕駐驛會稽閱時  
滋久宜日法駕言還恢復之功必自越始願加惠此州  
易一府額錫之美名以彰臨幸之休故有是詔十一月  
十七日又言本州既陞為府欲率官儒士庶僧道耆老  
詣闕稱謝從之 剡縣宣和三年以剡縣改 乾道八  
年五月十一日詔以紹興府諸暨縣楓橋鎮為義安縣  
置知縣縣丞主簿兼尉監稅各一員割諸暨之長阜大  
部長寧東長安西長安泰南鄉紫嵒花亭花山十鄉隸

馬從本路諸司請也

唐浙東觀察使錢鏐置望海軍大觀元年陞為望郡

常州宜興縣舊名義興太平興國元年改偽唐以常州

安國縣建衣錦軍太平興國三年改順化軍五年軍廢

紹興二十七年二月六日知臨安府榮蕤言江陰軍

本常州屬縣建炎之初沿江守禦權改為軍候士馬寧

息依舊臣前知常州備見本處雖改為軍于朝廷初無

所補而民間實備其害蓋財賦本出一縣而官兵請終

券食公庫將迎使客乃供一州之費遂使遠役科率倍

於他州而又常州失此一縣之賦兩皆受弊欲乞將江

陰軍復改為縣從之中書門下省言江陰軍依舊為縣

所有見管禁軍凡三百八十七人詔存留兵官一員其軍兵依舊在縣防拓請給賞賜如舊二月二十三日宰臣沈該等奏事上曰江陰罷軍為縣兵民不肯聽從遂集衆宣闕若不行違何以號今天下頃年諸郡盜賊勿發便與招安補授官資是乃誘之為盜不可不治可委監司体究以聞

應道軍舊温州晉靜海軍節度太平興國三年降為軍事政和七年陞為應道軍 建炎二年正月十日詔應道軍額依舊為温州又詔温州既非節鎮即不合置天寧觀其開元寺依舊給還寺額建炎三年罷軍額天台縣唐為唐興縣梁為天台晉為台興

劉川縣宣和三年以龍泉縣改 龍泉縣宣和三改刻

川縣紹興元年依舊

嚴州舊睦州宣和九年為建德軍節度三年改今名仍  
為遂安軍 淳化縣元青溪縣宣和三年改桐廬縣太  
平興國三年自杭州來隸

盈川縣宣和三年以龍遊縣改 龍遊縣宣和三年改  
為盈川縣紹興元年依舊 兩浙路總論

江南路太平興國元年分東西路後併一路 真宗天  
禧四年復分二路紹興元年正月十日尚書省言今措  
置建康府池饒宣徽信撫太平州廣德建昌軍為江南  
東路江洪筠袁處虔吉州興國南康臨江南安軍為江

南西路其江南東西路提刑并提舉茶鹽官並依今來  
分定州軍管幹職事鄂岳潭衡永郴道州桂陽監為荆  
湖東路鼎澧辰沅靖邵全州武岡軍為荆湖西路其湖  
南提刑并提舉茶鹽官並改充荆湖東路其荆湖西路  
合創置提刑并提舉茶鹽官從之 東路紹興元年以  
建康府池饒宣徽信撫太平州廣德建昌軍為江南東  
路四年撥撫州建昌軍依舊隸江南西路

建康府天禧二年二月四日詔曰朕祇畏昊穹保寧基  
構荷鴻休之總集佑丕緒之綿昌利建懿藩實惟元嗣  
表茲南紀允謂名區式示壯猷特崇巨屏昇州宜陞曰  
江寧府軍額曰建康軍節度建炎元年平陸為帥府建炎

三年五月九日詔江寧府改為建康府宰臣呂頤浩言  
伏覲陛下駐驛江寧改為建康雖已付本府施行緣諸  
路未盡知行幸所臨欲乞模勒親筆鏤板行下庶始知  
陛下進援中原以圖恢復之意從之其親筆令建康收  
掌

蕪湖縣繁昌縣開寶八年自昇州隸宣州太平興國二  
年自宣州來隸 當塗縣太平興國二年置州以縣為  
治所

徽州宣和元年以歙州改

江州偽唐奉化軍節度開寶八年降軍事州大觀元年  
陞為望郡



南康軍太平興國七年以江州星子縣置軍 星子縣  
太平興國三年以江州星子鎮升為縣七年為南康軍  
治

廣德軍太平興國四年以宣州廣德縣置軍 廣德縣  
四年自宣州來隸為軍治 建平縣端拱元年以宣州  
廣德縣郎步鎮置縣來隸

隆興府舊洪州鎮南軍節度先是本軍言係孝宗潛藩  
乞依靜江府例陞為府額隆興元年十月二十五日陞  
為隆興府 新建縣太平興國四年析南昌縣地置  
進賢縣崇寧二年以鎮陞為縣

贛州舊虔州太觀元年陞為望郡紹興二十三年改

虔南縣宣和三年以龍南縣改寧都縣舊名虔化紹

興二十三年改太平興國九年三月八日以虔州虔

村為永通軍割南劍州流溪泉州德化縣隸焉尋廢哲

宗元祐元年三月十一日戶部言虔州虔化縣陂陽仁

義兩縣鄉八千二百戶割屬石城縣輸納不便請還隸

虔化縣又言亳州蒙城縣承恩鄉第一都東至本縣九

十里西至城父縣三十里乞就近割屬城父縣並從之

紹興二十三年正月二十二日秘書省校書郎董德

元言江西虔州士大夫謂之虎頭城非佳名也左氏傳

曰女用贄以告虔釋云虔欽也又曰虔劉我邊陲釋云

虔殺也今虔之風俗固有儒良美秀之家以應虔欽之

義而推理盜奪之習為多人應殺虔之義州有十縣地  
廣人稠大抵嗜勇而好鬪輕生而敢死今天下之民舉  
安矣獨此郡間有小警臣意其各有以兆之欲乞去其  
不令之名賜以美稱則不令之實自此而銷屬縣有虔  
化乞并更之中書後省言虔州本漢贛縣有貢水出自  
新樂山至縣郭東北與章水合流名曰贛江太平寰宇  
記云晉永和五年太守高珪置郡城于二水間即今城  
是也今擬改虔州為贛州虔化縣據隋地理志舊曰寧  
都仍欲復舊名從之

萬安縣熙寧二年以龍泉縣萬安鎮升為縣龍泉縣宣  
和三年改名泉江紹興元年依舊

萬載縣開寶八年自筠州來隸宣和三年改名建城紹興元年依舊建城縣宣和三年以萬載縣改撫州偽吳昭武軍節度開寶八年降軍州事金溪縣淳化五年以金谿場置紹興四年七月二十六日三省樞密院言撫州建昌軍自古隸屬江西帥司先因沿江置三大使撥江東屬郡江州南康軍隸江西却撥撫州建昌軍隸江東帥司係在建康府相遼遠諸事不便近者建昌軍兵作過朝廷遣兵并洪州帥司各已發差軍馬前去建康府帥司尚未知事宜遠近利害灼然可見詔撫州建昌軍依舊隸江西路南康軍依舊隸江東路紹興十九年十二月詔于撫州管下地名詹墟置

樂安縣割本州崇仁縣天授樂安忠義三鄉及吉州吉水縣雲蓋一鄉隸屬仍將吉州吉水縣遷鶯一鄉割還永豐縣撫臨川縣惠安永秀兩鄉割還崇仁縣從本路諸司請也 紹興二十四年十一月五日詔撫州安樂縣雲蓋鄉復隸吉州永豐縣其永豐縣遷鶯鄉依舊撥還吉州吉水縣 初紹興十九年建置樂安縣以永豐縣雲蓋一鄉隸樂安以吉水縣遷鶯一鄉隸永豐縣至是雲蓋鄉稅戶張達等具狀陳本鄉不通運漕負擔路遠難于輸納故有是命

筠州紹興十三年正月七日戶部言筠州士庶乞賜郡名本州契勘乞將所治高安縣賜名高安郡以慰一方

士庶之情從之

永興縣太平興國二年以鄂州永興縣建永興軍以縣為治所三年改興國軍通山縣紹興四年廢為鎮五年復紹興四年正月二十五日江西安撫大使司言興國軍通山縣舊係羊山鎮隸鄂州永興縣太平興國中改永興縣為興國軍遂改羊山鎮為通山縣近緣賊馬劫虜人民見在只有二百餘家乞改通山縣依舊為鎮戶稅併隸永興縣仍乞存留文尉通永興縣舊尉共兩員每半年輪那一員前去主管鎮事捕捉盜賊應合存留弓手并減省公吏人等令江西常平司申明施行詔依仍以通山鎮為名紹興六年八月一日江南西

路安撫制置轉運提點刑獄使司言興國軍通山鎮稅戶石英等狀本鎮元係通山縣昨被李成賊馬殺戮權廢為鎮隸永興縣今已及八百餘戶至永興縣送納租稅往回六百餘里人戶艱辛乞依舊為縣從之

通山軍大冶縣三年自鄂來隸

南康軍大庾縣淳化元年以虔州大庾縣建軍以縣為治所

清江縣淳化三年以筠州清江縣置軍以縣為治所

廣昌縣紹興八年置新城縣紹興八年置紹興八

年三月十八日江西安撫轉運提刑提舉司言建昌軍南豐縣天授鄉揭坊耆并南城縣黎灘市乞各添置一

縣詔揭坊耆以廣昌縣為額黎灘市以新城縣為額  
荆湖路咸平二年分南北路

唐武安軍節度乾德元年降防禦州端拱元年復武安  
軍節度大觀元年陞為帥府 大觀元年十二月十二  
日詔潭州居三江五湖之中地大物衆亦嘗僭竊邵州  
最處極邊外制溪洞除邵州已降救為望郡潭州為帥  
府兼湖南路馬步軍總管 常豐縣乾道三年以常豐  
場置開寶中廢隸長沙縣 衡山縣四年自衡州來隸  
善化縣元符元年置 益陽縣紹興三年隸鼎州五  
年還隸 元符元年六月十六日湖南安撫申潭州長  
沙湘潭縣戶口獄訟繁多乞將長沙縣一十二鄉數內



撥出附近五鄉及湘潭縣管下八鄉于內撥出兩鄉共  
七鄉別立為一縣以善化為名從之 紹興三年四月

十八日知潭州折彥 缺言程昌禹申乞將益陽縣撥隸

鼎州契勘潭州例皆殘破今復割益陽縣為鼎州貢辦

應副必致意外生事況益陽今為潭州屏捍乞將常賦

令湖南運司管認應副鼎州使用候楊公事息住罷詔

且權隸鼎州候賊稍息取旨依舊 紹興五年七月五

日都督行府言益陽縣屬潭州昨緣水賊作過權隸鼎

州今楊公等已是平定鼎州用度減省欲令舊從之

衡州紹興九年三月二十三日荆湖南路安撫轉運提

點刑獄司言衡州茶陵縣當廣南江西兩界自茶陵至

吉州永新縣數百里百姓三山寨聚集無賴出入為寇  
官軍不能深入欲乞將茶陵縣改作一軍于吉州永新  
縣割地添置一縣隸茶陵知縣充軍使兼知衡州茶陵  
縣事依舊隸衡州仍將管下衡陽安仁茶陵三縣巡檢  
於本軍屯駐從之

營道縣舊名引道建隆三年改大厯縣三年廢隸寧  
遠縣永明縣熙寧五年廢為鎮隸營道縣元祐元年  
復

永州紹興十八年八月二十五日詔永州零陵縣唐興  
鄉改為宋興鄉初陽縣唐昌鄉改為宋昌鄉永隆鄉唐  
興里改為宋興里從邑人請也

邵州大觀二年陞為望縣 蔣竹縣元溪洞徽州元豐  
四年詔以為蔣竹縣隸邵州 熙寧四年四月八日詔  
河北路轉運副司賈青相度新建溪洞徽州隸屬湖  
南湖北于河為便以聞後青具道里以聞乃詔誠州治  
渠陽隸荆湖北路徽州為蔣竹縣隸荆湖南路邵州  
桂陽軍舊桂陽監紹興三年陞為軍 平陽縣天禧三  
年置 藍山縣景德元年自郴州來隸紹興二十二年  
九月十七日詔陞桂陽監為桂陽軍從本路諸司請也

宋會要

茶陵軍舊衡州茶陵縣紹興九年陞為軍使  
武岡軍舊邵州武岡縣崇寧五年陞為軍 十六年三

月十三日詔復桂陽監管下臨武洞為縣從本路諸司  
之請也 紹興十一年九月一日荆湖南路安撫轉運  
提刑司言乞將武岡軍綏寧縣移入武陽寨為縣却移  
武陽寨入扶叢置寨從之 紹興二十五年四月九日  
荆湖南路安撫司言欲于武岡軍水頭江北岸平廣去  
處建立一縣以新寧為名撥扶陽恭和宣義零陽四鄉  
隸之知縣縣尉巡檢乞依綏寧臨岡等縣體例從安撫  
司踏逐奏辟任滿減三年磨勘從之 紹興二十五年  
四月十一日詔武岡軍于舊治復置綏寧縣 以鄂州  
都統司言收復到賊徒楊再興元侵占地數內綏寧縣  
乞于舊處重置故有是命 開寶三年七月十七日詔

以洽州復為懿州時五溪團練使洽州刺史田處崇上  
言先是湖南節度使馬希範以潭陽縣為懿州命叔萬  
盈為刺史及馬希萼襲位改為洽州請復其名從之仍  
鑄印賜之 熙寧五年七月三日前湖北路鈐轄轉運  
司乞移渠陽縣治所以安集誠州戶口兼治贛保小由  
等民戶從之 熙寧四年四月十二日荆湖南路轉運  
判官趙楊言溪洞徽誠等州置城寨畢誠州乞建為郡  
徽州為縣 熙寧四年十二月十七日相度新建徽誠  
州朝散大夫賈青言準朝旨下未初平奏乞招納元屬  
溪洞地分道路以至地理遠近並附入州縣圖籍從之  
熙寧五年正月二十六日知誠州謝麟言本州旁近

戶口或遠隸他州見有封疆不足城守乞增割戶口山川降屬縣名額詔沅州新降貫保托口小由豐山堡控扼蠻蛋形勢之地宜以瀕渠河貫堡寨為治所置渠陽縣隸誠州 熙寧五年九月十三日知誠州謝麟言奉詔置誠州未盡地理四至廬邵州蔣竹縣爭占誠州新城管分聞邵州已撥潼村屬新城潼村距誠州四十里至蔣竹縣八十里道路峽險經九壘坡脚大小盤攔深山長林正係湖南至誠州行旅之路合屬蔣竹比之誠州地里已遠又遙隸邵州二十二驛或有冤訟縣堡不能決去州既遠則民無訴乞昌蒲嶺脊分水西屬誠州東屬邵州蔣竹從之 紹興五年六月十二日中書門

下省言荆南峽州 荆門公安軍未分鎮以前係屬京  
湖北路昨緣分鎮遂罷轉運提刑今來王彥差知荆南  
府四川更不除鎮撫止置安撫使其荆湖北路轉運提  
刑却合通管內轉運二員理合分隸從之 紹興六年  
八月九日知荆南府充荆南府峽州荆門公安軍安撫  
使王彥言靖康中因祝靖等賊馬占據荆南公安知縣  
程千秋召募人兵防捍準御營使司將本縣陞為軍止  
是知縣兼軍使後來復經殘破軍城一空止有百餘家  
今乞廢公安軍依舊為縣庶得減省支用從之 宣和  
三年四月二十日詔五溪郡縣闕自先朝中更棄地雖  
已興復然經元祐之變徭賊屢肆跳梁蓋緣荆南鈐轄

司去邊稍遠難以彈壓先朝有意經畫其事未就朕紹述先猷敢忘繼志可分荆湖北路荆南府歸峽安復州荆門軍漢陽軍為荆南路帶兵馬都鈐轄治荆南府分鼎澧岳鄂辰沅靖州為鼎澧路帶兵馬都鈐轄治鼎州

宋會要

北路宣和三年四月二十日荆湖北路分為荆南路鼎澧路指揮更不施行並依舊例

江陵府古荊州唐為江陵府永安軍荆南節度建炎二年升帥府華池縣太平興國七年自岳州來隸萬庾縣乾從三年陞萬庾巡為縣尋廢枝江縣熙寧六年廢為鎮隸松滋縣元祐元年復玉沙縣熙寧六年



廢為鎮隸監利縣元祐元年復長林縣開寶五年隸

荆門軍熙寧六年軍廢復來隸當陽縣開寶五年隸

荆門軍熙寧六年廢復來隸公安軍建炎三年陞為

軍紹興五年復建炎三年六月二十一日御營使司

叅議官高衛言公安縣在荆江南岸治蒙呂城三國六

朝常為控扼之地今欲陞公安為軍知縣帶軍使兼松

滋石首華容縣都巡檢使從之

鄂州唐武昌軍節度使後唐改武清軍太平興國三年

後為武昌軍漢陽縣熙寧四年廢漢陽軍為縣來隸

通城縣熙寧五年陞崇陽縣通城鎮為縣紹興五年廢

為鎮十七年復紹興五年九月二十一日荆湖北路

安撫使司言鄂州通城縣舊係鎮熙寧四年陞為縣今  
人民凋殘欲依舊為鎮隸崇陽縣從之 紹興十七年  
五月十八日詔鄂州通城鎮復為縣從本路監司之請  
也

德安府舊安州唐安遠軍節度晉降為防禦州後復為  
安遠軍周又降為防禦建隆元年復為安遠軍節度宣  
和元年陞為德安府 吉陽縣開寶二年廢為鎮隸孝  
感縣 應城縣淳化元年徙舊縣置治所 雲夢縣熙  
寧二年廢為鎮隸安陸縣元祐元年復紹興七年十月  
移治件落市十八年還舊治 景陵縣舊名敬陵建隆  
三年改熙寧六年廢復州以縣來隸

復州景陵郡防禦領三縣建隆三年改晉陵縣為景陵  
至道三年以江陵府玉沙縣來隸寶二年廢沔陽縣入  
玉沙熙寧六年州廢以景陵縣隸安州省玉沙縣入江  
陵府監利縣元祐元年復 景陵縣熙寧六年廢州以  
縣隸安州元祐元年復

常德府唐朗州周武平軍節度建隆四年降為團練州  
大中祥符五年改鼎州後為永安軍額以犯陵名崇熙  
寧元年改為靖康軍政和七年為常德軍節度乾道元  
年九月二十一日以孝宗潛藩陞常德府 鼎州桃源  
縣乾德二年析武陵縣地置 龍陽縣舊改為辰陽縣  
紹興元年依舊五年陞為軍移治黃城寨尋還舊治三

十一年復為縣 紹興五年七月五日都督行府言鼎  
州龍陽縣移于黃城寨地仍陞作龍陽軍置使一員差  
軍使兼知龍陽縣事詔從之是年八月十五日詔于舊  
縣重建以知鼎州張翥言舊縣高爽黃誠寨地低下近  
江湖有水患故也

岳陽軍舊岳州宣和元年陞為岳陽軍節度紹興二十  
五年改岳州軍為華容軍三十一年依舊 沅江縣舊  
名橋江隸鼎州乾德二年改今名來隸 臨湘縣淳化  
五年升王朝場為縣至道三年改 紹興二十五年六  
月二十七日臣僚言岳州與岳飛姓同顧莫之或改按  
郡道元水經汨水西逕羅縣實本羅子之國與純水合

源迤純山西北流又西迤玉笥山又西為屈潭羅淵即  
今巴陵郡是也純之為守有統一不雜之義乞改岳為  
純從之 紹興三十一年十二月五日御史中丞汪澈  
言紹興二十五年臣僚自劄子謂岳飛既已伏誅岳州  
與其姓同本路諸司審度妄引汨水與純水合源乞改  
岳州為純額為華容臣切謂岳飛之叛與不叛固自有  
公論以姓同而改州名尤悖于理恩恭嚴徽贛五郡易  
名初非以姓同也且岳之為義以南岳衡山相直而得  
名自隋唐至宋朝為望郡 英宗皇帝初在潛邸嘗領  
岳州團練使及登寶位陞軍額為岳陽岳州之名其來  
久矣若以同姓而改則五岳岳廟亦可改乎又光州先

化軍以避虜鄰之名易光為蔣易光化為通化尤可切  
齒乞改岳州岳陽光州光化軍名額一依舊制從之  
興仁縣熙五年廢為鎮隸秭歸縣元祐元年復 紹興  
六年八月六日都督行府言歸州舊屬湖北路昨緣荆  
南失守權撥隸夔路後來朝廷又差解潛充荆南府歸  
峽州荆門公安軍鎮撫使即係湖北分鎮地分止是不  
曾正行交割今來王彥復為荆南安撫使遷于舊治屯  
泊大軍其歸州合依舊撥還湖北兼歸州薄有稅入可  
助本府經費詔依所有歸州一帶捍禦專委本司措置  
不管疎虞 紹興三十一年四月三日知夔州李師言  
上言歸州去夔路最近去荆南最遠建炎四年內本路

鈴轄司亦嘗申宣撫處置使司割歸州隸夔路至紹興  
五年依舊撥還湖北路今乞割歸州復隸夔路所有歸  
州歲起湖北路錢依舊從之

辰州招諭縣元祐元年廢隸沅州麻陽縣

沅州熙寧七年以唐叙錦獎三州地置招諭縣太平

興國七年析麻陽縣地置隸辰州熙寧七年來隸八年

廢隸麻陽縣麻陽縣熙寧七年自辰州來隸八年省

錦州寨地入焉廬陽縣熙寧七年以叙州潭陽縣地

置渠陽縣舊渠陽寨元豐五年陞為縣元祐六年省

為寨崇寧二年復

靖州大觀元年陞為望郡永平縣崇寧二年以渠陽

縣改

會同縣崇寧二年以三江縣改

貫堡縣元豐

五年置

紹興八年十一月二十八日知靖州軍敵言

本州永平縣並無居民止有東林一團戶口不多欲將永平縣移就州城倚郭舊都監解字充縣從之

漢陽縣周即鄂州漢陽縣地建軍熙寧四年廢以漢陽

縣隸鄂州省漢川縣入漢陽縣元祐元年復紹興五年

廢為縣七年復漢川縣紹興五年廢為鎮七年復

紹興二年十一月二十六日詔漢陽軍依舊撥隸荆湖

北路以樞密院勘會漢陽軍舊隸湖北帥司與鄂州對

岸實為唇齒控扼之地昨來撥隸德安府相去三百餘

里緩急措置後時兼近降指揮湖北帥臣于鄂州置司



故有是命 紹興五年十一月五日詔漢陽軍漢川縣  
廢為鎮 紹興六年八月十五日權發遣漢陽軍高舜  
舉言本軍于熙寧四年曾廢為縣却于元祐元年復元  
符元年知軍茹東濟陳論利害事件遂不曾廢今來本  
軍累經殘破戶口減少官吏之費深擾于民兼鄂州見  
屯大軍無盜賊之患與承平日事体不同若廢為縣委  
是利便都督行府勘會已劄下漢陽軍隸鄂州知縣帶  
軍使乞令道守從之 紹興七年閏十月二十五日湖  
北京西路宣撫使岳飛言漢陽軍元管漢陽漢川兩縣  
最是控扼去處後來湖北安撫司一時申請廢軍為縣  
隸鄂州乞復為漢陽漢川復為縣依舊將漢陽軍漢川

兩縣撥隸本軍從之

信陽縣信陽軍舊隸京西北路紹興四年隸襄陽府路  
六年隸京西南路十九年正月隸淮南西路是年三月  
來隸荆門軍

開寶五年即江陵府長林縣建軍以長林當陽二縣來  
隸熙寧五年軍廢二縣復隸江陵府熙寧六年廢為長  
林縣隸江陵府元祐三年復為軍 紹興十四年八月  
十三日詔荆門軍當陽縣廢入長林縣官員依省罷法  
從本路監司之請也 紹興十六年十一月十四日詔  
復置荆門軍當陽縣從本路諸司之請也 元祐四年  
六月二十八日湖北轉運司言荆南長林縣已復為荆

門軍其諸軍指揮人額并差發屯駐人數並合入舊從之

宋會要

續東陽志

此條移第  
三百第二  
行接湖州  
條下  
宋會要云嘉泰元年三月二十四日詔婺州東陽縣添  
置縣尉一員蓋以臣僚言東陽縣為婺州難治之縣而  
永寧又為東陽難治之鄉

州縣陞降廢置

成都府路乾德三年併兩川併為西川路開寶四年分  
峽路咸平四年分益梓利夔四路嘉祐四年以益州路  
為成都府路

唐成都府劍南西川節度太平興國六年降為益州  
端拱元年復成都府劍南西川節度淳化五年降為益  
州嘉祐六年復為劍南西川節度 靈泉縣舊名靈池  
天聖四年改 犀浦縣熙寧五年廢為鎮隸郫縣 廣  
都縣熙寧五年廢陵州以貴平籍隸地並入焉 重和  
元年十二月七日詔改石泉縣為軍以永康龍安神泉

隸焉知軍及寨堡官吏委知成都府孫義史辟置聞奏  
七年二月六日詔成都府路石泉縣依舊為軍差職  
臣知軍

眉州至道二年陞防禦

蜀州青城縣乾德四年隸永康軍熙寧五年軍廢復來

隸彭州

導江縣乾德四年隸永康軍熙寧五年軍廢為寨縣復  
來隸九年廢寨復即縣治置永康軍 垆口縣熙寧二  
年置四年廢為鎮隸九隴縣

捷為縣大中祥符四年徙治懲非鎮 嘉祥縣舊龍遊  
縣宣和元年改今復為龍遊縣 龍遊縣宣和元年改

為嘉祥紹興元年依舊

邛州火井縣開寶三年徙治平樂鎮

雅州百丈縣熙寧五年廢為鎮隸名山縣今復為縣

唐下都督乾德二年為上州

通化縣天聖元年改金川景祐四年復舊即縣治置通

化軍使 延寧軍舊威戎軍政和六年湯延俊等納土

建宣和三年廢 通化軍政和三年董舜咨納土建宣

和三年廢軍使為押隸威州

祺州舊元保州政和四年董舜咨納土建宣和三年廢

為城 春祺縣政和四年建宣和三年廢為城

亨州舊霸州政和四年招納改今名 嘉會縣政和四

年賜今名政和四年五月十七日知成都府龐恭孫奏  
乞據知霸州董彥博狀乞將本州管內地土獻納伏乞  
改賜嘉名仍乞為軍事下州置倚郭一縣亦乞賜名詔  
名亭州倚郭縣賜名嘉會縣

唐陵州至道二年陞團練宣和四年改山并監貴平籍  
二縣熙寧五年廢為鎮以籍隸成都府廣都縣 乾道  
六年正月十七日成都府路鈐轄轉運提刑司言熙寧  
五年隆州改為監將貴平籍縣皆廢為鎮其籍縣所管  
夷歌鄉并貴平鎮所管唐福鄉並割歸仁壽縣今貴平  
籍鎮復還縣鎮逐鄉合撥歸元舊縣分其兩縣入戶稅  
稅亦合撥隸隆州從之

唐於彭州導江縣灌口鎮建鎮靜軍開寶四年改永安  
軍以蜀州青城彭州導江二縣來隸太平興國三年改  
永康軍熙寧五年廢軍為寨以蜀州青城縣彭州導江  
縣還舊隸七年廢寨九年復即導江縣置永康軍使  
石泉軍政和七年以縣陞為軍宣和二年以知軍為軍  
使宣和七年復為軍安昌縣神泉縣政和七年自綿州  
來隸宣和三年以知軍為軍使依舊還隸焉 真宗咸  
平四年三月十日詔分川峽為四路以西川轉運使兵  
部員外郎直史館馬亮為益州路轉運使總益綿漢彭  
邛蜀嘉眉陵簡黎雅維茂永康凡十五州軍以知益  
宋太初崇儀使恩州刺史楊懷忠並為益州鈐轄提轄



兵馬捉賊事峽路轉運副使祕書丞李昉為梓州路轉  
運使總梓遂果資榮昌普渠合戎瀘懷安廣安富順凡  
十四州軍監以知梓州王渭提轄兵馬捉賊事西川轉  
運副使虞部員外郎張志言為利州路轉運使總利洋  
興劔文集壁巴蓬龍閬興元劔門三泉西縣凡十五州  
軍府縣以益州都監崇儀使王旣知利州提轄兵馬捉  
賊事峽路轉運工部員外郎直史館丁謂夔州路轉運  
使總夔于忠萬開達渝黔涪雲安梁山大安凡十二州  
軍監以知夔州西京左藏庫使順州刺史李漢贊提轄  
兵馬捉賊事

潼川府路舊梓州路重和元年陞為潼川府路 開寶

六年正月九日詔以遂合渝瀘昌開建渠巴蓬資戎浩  
忠萬夔施十七州及廣安梁山雲安三軍別置水陸轉  
運計度使以太子中允張顥充

潼川府舊梓州唐劔南東川節度偽蜀改天正軍乾德  
三年改靜戎軍端拱二年復劔南東川節度元豐三年  
閏九月復詔稱劔南東川 中江縣舊名玄武大中祥  
符五年改 紹興三十一年五月七日四川安撫制置  
司言相度到潼川府東閬縣管縣令主簿縣尉三員安  
泰尉司止管尉司官一員却管六案倉庫刑獄等事今  
欲將東閬縣主簿一員廢罷令縣尉兼領主簿職事乃  
乞將安泰尉司依舊復置安泰縣將尉司官改注縣令

却將東關縣所廢主簿一員撥隸安泰縣差置仍兼縣尉職事內酒務官錢隸屬本縣拘催外餘收納商稅并監合同場職事委司主簿兼監即是每縣各將縣令一員簿尉一員從之 重和元年十一月二十一日劔南東川奏據奉議郎王維等狀契勘本州南控瀘叙西扼綿茂江山形勢據西川之勝水陸之衝為劔外一都會見管九邑四十鎮兵甲巡檢賊盜提舉五州軍為東路十八州軍監之冠與成都相對昔元豐中蒙神宗皇帝正劔南東川之名入神武觀原隰生光千里父老欣戴歌詠至今不已即目監司移文尚以梓州為稱竊恐名實未稱不足以鎮壓委切之地欲望睿斷依劔南西川

例賜一府號上以副神考正名之實下以慰遠方士民之望詔梓州賜名潼川府

舊遂州遂寧郡武信軍節度政和五年陞為遂寧府武信軍節度依舊 青石縣熙寧六年廢隸遂寧縣七年復 紹興三十年十二月十六日遂寧府奏本府依已降指揮陞為大藩照得紹興海行名例敕未曾于大藩條內修入遂寧府字乞下敕令所增修降下遵守從之

宋會要

昌州唐中都督乾德三年為上州 昌元縣咸平四年

徙治羅市

瀘州唐下都督乾德元年為上州 宣和元年陞為瀘

州軍節度二年三月六日詔瀘州守臣帶瀘川府夔州  
路兵馬都鈐轄瀘南沿邊安撫使 熙寧四年正月一

日詔昨令瀘南安撫使韓存寶移瀘州于江安又建置  
堡寨等事今林廣侯到與轉運司商議從便宜施行

宣和元年三月十五日詔瀘州西南要會控制一路邊  
間之寄付界非輕可陞為節度仍賜名瀘川軍

果州偽蜀永寧軍節度乾德三年降為團練 紹興二

十七年十月二日詔果州泝溪鎮復升為縣

資川縣舊龍水縣宣和二年改今復為龍水縣 熙寧

四年九月十八日梓州路轉運司言準朝 旨相度知

資州王公儀奏移鈐轄司于本路乞升軍額置通判及

增公使錢如遂州為便從之 內江縣紹興十七年移  
治於舊城紹興十七年正月二十六日潼川府路轉運  
提刑安撫司言資州內江縣因江水泛漲漂蕩縣治乞  
遷本縣于本州舊治地名舊城實為長久之利從之  
普州普康縣熙寧五年廢

叙州舊戎州唐中都督乾德元年為上州 開邊縣順  
縣乾德五年隸焚道縣 宜賓縣熙寧四年廢隸然道  
縣焚道縣政和四年改宜賓縣

滋州大觀三年建宣和三年廢為城 永流縣大觀三  
年建宣和三年廢 仁懷縣大觀三年建宣和三年廢  
為堡

純州大觀三年建宣和三年廢為城 九支縣大觀三年建宣和三年廢為寨 安溪縣大觀三年建宣和三

祥州大觀三年建宣和三年廢 慶符縣大觀三年建

宋會要

赤水縣熙寧四年廢隸銅梁縣七年復置 榮德縣舊名旭川縣上一字同哲宗廟諱治平四年改

宋會要

廣安軍開寶二年以合州濃泗渠州新明二鎮建軍 渠江縣二年自渠州來隸 新明縣岳池縣並自二年 自合州來隸

利州路紹興十四年分為東西路後併為一乾道三年  
六月復分為二路乾道五年五月二十五日知樞密  
院事四川宣撫使虞允文言利州東路舊係利州路紹  
興十四年四川宣撫副使鄭剛中申明將吳玠差充利  
州西路安撫使以階成西和鳳興文龍七州隸屬西路  
楊政差充利州東路安撫使以興元府金洋利劔閣已  
蓬州大安軍九處隸屬東路其官屬人吏從宣撫司比  
附經畧司量度裁減今利州東西路併而為一通部十  
六州軍比附未分路已前經畧司所管官吏相度裁減  
外隨宜存留從之

偽蜀昭武軍節度景祐四年改寧武軍 平蜀縣舊名



喬山乾德三年改昭化縣舊名益昌開寶五年改為

嘉川縣咸平四年自集州來隸

洋州偽蜀武定軍節度景祐四年改武康軍

閬州故平縣熙寧五年廢為鎮隸奉國縣晉安縣熙寧

五年廢為鎮隸西水縣

普安軍舊劔州隆興二年十月以本州言孝宗潛藩下

給舍義陞為普安軍節度陞隆慶府永歸縣乾德五

年廢隸劔門縣劔門縣景德二年以縣隸劔門關兵

馬都監主之熙寧五年復來隸劔門關景德三年以

劔州劔門縣直隸京以兵馬監押主之熙寧五年縣復

隸劔門關仍別置

巴州歸仁縣乾德四年廢隸曾口縣始寧縣四年廢  
隸其章縣通江縣天聖元年改諾水復舊熙寧五年廢  
壁州省白石符陽二縣來隸難江縣熙寧五年廢集  
州以縣來隸清化縣熙寧五年化成廢為鎮隸縣  
三泉縣唐隸梁州  
西和州舊岷州隸西和路紹興十四年改為西和州來  
隸

興元府西縣乾德三年以縣直隸京師至道二年隸大  
安軍三年軍廢還隸紹興七年閏十月二日川陝宣  
撫副使吳玠言利州路三泉縣北至興州仙人關外地  
里不遠東接梁洋一帶水陸衝要係四川喉襟要害之

地比年移關外諸將軍馬就本縣屯駐人烟事物大段繁多九域志至道二年曾陞為大安軍紹興三年六月內宣撫處置使司已將本縣依便宜陞為軍乞依已行事理從之 紹興十五年閏十一月十七日四川宣撫司言昨分畫秦州地界割到本州管下成紀隴城兩縣地分鄉社戶民遇有詞訟並作成紀隴城縣百姓緣兩縣治見屬對境委是稱呼不便乞將兩縣地分建為一縣隨宜差置官吏隸成州管轄今遂急將兩縣權隸天水縣管治去訖詔令併歸天水縣

夔州路唐乾元二年陞為都督府尋罷天成二年陞為

寧江軍節度

夔州景德三年自白帝城徙城東今治

巴渠縣乾德三年移治江西風樂壩三岡縣三年移

治索心市閬英縣五年廢隸石鼓縣至道三年移治

新安市石鼓縣熙寧七年廢隸通川新寧永隆三縣

宋會要

忠州慶厯四年廢隸開江縣

賓化縣嘉祐八年廢隸隆化縣隆化縣熙寧七年以

縣隸南平軍武龍縣宣和元年改為枳縣紹興元年

依舊

萬壽縣乾德五年廢隸江津縣南川縣熙寧七年以

縣隸南平軍

雲安縣開寶六年以夔州雲安縣建寧即縣為治所熙寧四年以縣戶口析置雲安監安義縣八年復廢隸馬

宋會要

珍州大觀二年建樂源縣大觀二年建紹興二年十月四日宣撫處置使張浚言恭依聖訓便宜行事將珍州管界境土已選差正侍大夫華州觀察使夔州路兵馬鈐轄知務川城田祐恭充知州依倣務川城例施行庶得省免經費為公私利便所有黔州元撫隸珍州稅戶李澤等四十九家並令撥還彭水縣等處已行下田祐恭更切相度條具申本路帥司審度保明供申別聽本司指揮從之

播州大觀二年以楊文貴獻地建宣和三年廢為城  
播川縣大觀二年建宣和三年廢為城 朗川縣宣和  
三年廢

承州大觀三年以任漢崇獻地建宣和三年廢為縣  
綏陽縣大觀三年建宣和三年割隸珍州開寶六年二  
月二十六日詔改溪洞珍州為高州先是刺史田遷言  
自賜王州連年災沴乞改州名故有是命鑄印賜

思州政和八年建宣和四年廢為城今復 務川縣政  
和八年建宣和四年廢為城隸黔州 印水縣安夷縣  
政和八年建宣和四年廢為堡隸黔州

漆州熙寧七年招收置宣和三年廢為寨 漆溪縣熙

寧七年招收置宣和三年廢為寨隸南平軍 夜即縣

熙寧七年招收置宣和三年廢

遵義軍大觀二年以楊文貴獻地建宣和三年廢為寨

遵義縣大觀二年建宣和三年廢為寨

安義縣熙寧四年以雲安縣戶口析置安義縣八年復

廢隸雲安

福建路太平興國元年為兩浙西南路雍熙二年改福

建路

福州建炎三年陞為帥府 福州懷安縣太平興國五

年析閩縣地置 羅源縣舊名永正天禧五年改永昌

乾興元年改今名 永福縣崇寧元年以永泰縣犯哲

宗陵名故改之 紹興元年八月十六日福建路安撫  
司言福州改為帥府本司移文江南西路安撫使司取  
會到改置帥府合差置準備差遣五員準備差使十員  
準備將領二員乞依前項差置詔置準備將領二員准  
備差遣差使各五員

舊建州偽閩鎮武軍偽唐改永安軍又為忠義軍後為  
軍事 紹興三十一年十二月二十二日以孝宗潛藩  
陞建寧府 崇安縣淳化五年以崇安場置咸平元年  
析建楊縣地以並之 松溪縣至道二年析蒲城縣地  
以並之 閩隸縣咸平三年以閩隸鎮置析建安縣地  
以並之 政和縣舊閩隸縣政和五年復



泉州大觀三年陞為望郡 惠安縣太平興國六年析

晉江縣地置

偽唐劍州太平興國四年以利州路有劍州加南字

將樂縣四年自建州來隸

光杭縣淳化五年以上杭場置至道二年從覽砂地咸

平二年復徙治浯口 武平縣五年以武平場置 紹

興三年七月十五日福建路轉運提刑司言相度到汀

州蓮城堡乞創置一縣詔依以蓮城縣為名 乾道四

年正月十日福建路安撫轉運提刑司言汀州上杭縣

治元在鍾寮場縣知縣兼監坑治遂移縣治累遭兵火

見存上百餘家僻在山隅不通商旅風水取壞人民不

安本縣舊基見在地名郭坊人烟翕習正當十二鄉之中四路坦平民間便于輸納兼有大河沂流上通本州順流平抵湖州陸路通于漳潮梅贛等州商旅往還不絕士庶父老皆乞遷復以便民從之

唐漳州偽閩南州乾德四年復舊

邵武軍太平興國五年以建州邵武縣建軍邵武縣歸化縣建寧縣並五年自建州來隸泰寧縣舊歸化縣元祐元年改

莆田縣仙遊縣四年自泉州來隸

梁青海軍節度後入偽漢開寶四年收復仍舊節度大觀元年陞為帥府開寶五年改今名隸連州六年來

隸番禺縣五年廢隸南康縣皇祐三年復置東莞縣

五年廢隸增城縣六年復置遊水縣五年廢隸懷集

縣蒙江縣六年廢隸四會縣信安縣熙寧五年以

縣隸新州四會縣熙寧六年以縣隸端州紹興二十

二年九月十五日詔陞廣州香山鎮為香山縣從本路

諸司請也開寶五年五月七日詔廢偽漢廣州常康

咸寧二縣依舊為南海鎮南海之名自秦漢以來未嘗

改劉氏割據嶺表偽建都于廣州乃分南海縣地為常

康咸寧二縣以為京邑且就美名至是以本道上言乃

改正之又詔廢置併移廣南州縣先是嶺表既平按版

籍州縣名多戶口甚少乃命知廣州潘美及嶺南轉運

使王明度其地里廢置之

曲江縣咸平三年徙治岑水西善政坊 乳源縣乾道  
二年十月三十日置 徽宗崇寧元年閏六月二十二  
日監韶州岑水銀銅場蘇堅狀乞陞本場作縣遂司相  
度到乞撥曲江縣廉平福建兩鄉翁源縣太平鄉就岑  
水場陞縣仍存留監官二員一員依舊外一員知縣同  
監并添置縣尉一員兼主簿却減罷本場駐汨一員從  
之 隆興二年十月三十廣南東路經畧安撫提刑轉  
運提舉常平茶鹽司言韶州曲江崇信樂昌仁化去州  
城高遠不通水道官司勞於催科巡尉憚于巡警今措  
置欲就曲江縣管下洲頭津置縣作乳源縣便于催科

水路可通州城乞省曲江縣丞一員為縣令兼管縣市  
稅場不省洲頭津監官為簿尉仍移樂昌縣平石巡檢  
于橋村壩駐劄改稱韶州曲江樂昌乳源三縣巡檢委  
是經久利便從之

循州宣和二年為博羅郡興寧縣天禧二年移治長  
樂舊址長樂縣熙寧四年析興寧縣地置縣紹興六  
年廢為鎮十九年復雷鄉縣宣和二年以龍川縣改  
龍川縣宣和二年改名雷鄉縣紹興元年依舊

賀州蕩山縣封陽縣開寶四年廢隸臨賀縣馮乘縣  
四年廢隸富川縣大觀二年五月二十七日中書省  
言廣東路十五州軍財賦豐足內賀州管四縣南接梧

州西抵昭州并通水路直抵桂州詔賀州割屬廣西

封州大觀元年陞為望郡開建縣開寶五年廢隸封

川縣六年復置

舊端州重和元年陞肇府平興縣開寶五年廢隸高

要縣四會縣廣州縣五年廢入南海縣六年復置熙

寧六年自廣州來隸元祐三年十月二十二日徽宗

即位未改元詔曰惟高要之興區乃南國之舊壤土風

淳原民物夥繁朕誕受多方紹承大統顧啟封于茲土

實賜履于先朝茅社之榮是為基命節旄之重宜錫隆

名可陞端州為興慶軍政和八年十月二十一日朝

奉郎廣南東路轉運判官燕瑛奏臣伏觀興慶府元係

端州寅緣陛下潛邸舊封存蒙賜以軍額申錫府號臣  
近巡歷到彼窺見府城規摹未至宏壯欲望親洒宸翰  
特改見今軍府額賜以美名詔令轉運司選計度量行  
展修可將鄰近便于輸納移兩縣仍賜名肇慶府仍為  
肇慶軍節度

新興縣開寶五年省永順縣及廢勤地入焉 信安縣  
廣州義寧縣五年廢入新會縣六年復置太平興國元  
年改信安熙寧五年廢縣以地隸新興縣

紹興元年升為德慶府十四年置永慶軍節度 端溪  
縣開寶五年廢州為端溪縣隸端州又併悅城晉唐都  
城三縣入焉尋復置州瀧水縣六年廢瀧州以開陽建

水鎮南三縣併入龍水來隸 紹興元年十一月十八日詔康州陞為德慶府時康州奏據本州居人通直郎伍仕偕等狀本州係是潛藩竊見肇慶府元係端州道君皇帝即位已蒙推恩建府及置軍額與本州事體相似乞依肇慶府施行故有是詔

慶曆八年改河北路貝州為恩州故加南字陽春縣五年廢春州來隸六年復置春州省派南羅水二縣入焉景德四年隨州城移州南故城天禧四年復舊治熙寧六年廢復來隸 銅陵縣五年廢勤州來隸熙寧六年廢隸陽春縣 富林縣六年廢勤州省入銅陵縣 梅州紹興六年廢為程鄉縣十四年復 梅州為漢恭



州開寶四年避廟諱改領程鄉一縣熙寧六年廢州元豐五年復以程鄉縣為州宣和二年為義安郡紹興六年廢為程鄉縣十四年復程鄉縣熙寧六年以縣隸潮州元豐五年復置紹興十四年七月十一日廣南東路經畧安撫轉運提刑司言乞復置梅州從之紹興六年十月二十八日廣南東路經畧安撫轉運提刑提舉常平司言梅州最僻小戶口稅賦不及潮惠一縣屢經兵火上供常額官兵餽食民無所出今欲廢為程鄉縣依漣水軍體例置軍伙一員兼知縣事隸潮州仍舊存留都監監稅巡檢并循州長樂縣去寧興縣三十里鄉狹土瘠居民無幾今欲廢為長樂鎮隸興寧縣置

監鎮一員主管監稅烟火從之

南雄州宣和三年八月七日詔南雄州為保昌郡南雄州偽漢以韶州保昌縣置雄州開寶四年以河北路有雄州加南字 始興縣四年自韶州來隸

英州宣和二年為真陽郡真陽縣舊縣名音同仁宗廟諱乾興元年改浚光縣舊名浚縣隸廣州開寶五年改今名隸連州六年來隸

連州連山縣紹興六年廢為鎮十八年復紹興六年十月二十八日詔改連山縣為連山鎮置監鎮一員兼本鎮烟火公事紹興十八年十二月初一日詔復連山鎮為縣從本路諸司請也

惠州舊州名同仁宗廟諱天禧五年改

潮州程鄉縣熙寧六年廢梅州以縣來隸梅州以縣來隸元豐五年縣復隸梅州 揭陽縣紹興二年廢入海陽縣八年復仍移治吉帛村 宣和六年五月二十日詔割潮州海陽縣光德太平懷德三鄉置揭陽縣紹興二年三月十九日廣南東路經畧安撫轉運提刑司言潮州揭陽縣因宣和六年本路經畧司相度將海陽縣所管戶口析為二縣添撥官屬今詳究得元初所乞共為劉花三等作過多在本處山林藏伏是以添縣控扼此外別無利害徒置官吏費用欲乞罷縣將元撥鄉村人戶依舊屬海陽縣尉兩員內撥一員并本州水陸同

巡檢各就揭陽縣元相度控扼去處駐劄委是利便從  
之 紹興八年八月八日詔潮州管下地名吉帛村復  
置揭陽縣從本州之請也 西路 大觀三年六月十  
八日詔黔南路依熙河蘭湟路體制併入廣西為一路  
以廣西黔南路為名依舊桂州為帥府轉運等司並罷  
大觀四年五月二十四日詔廣西黔南路仍舊稱廣南  
西路

桂州大觀元年陞為帥府為大都督府紹興三年二月  
初一日桂州靜江軍土官武功大夫秦再言今上皇帝  
自靜江軍節度使桂州牧加封康王嗣登寶位今康州  
已陞為府本州未賜府額詔陞為靜江府 紹興三年

卷一百一十五

陞為靜江府 興安縣乾德元年廢潯州為全義縣未  
隸太平興國元年改 義寧縣開寶五年廢入廣州新  
會縣六年復置 修仁縣熙寧四年廢為鎮隸荔蒲縣  
元豐元年復置縣 永寧縣熙寧四年廢為鎮隸荔蒲  
縣元祐元年復

容州唐防禦經畧開寶四年陞寧遠軍節度 普寧縣  
開寶五年廢繡州省常林河林羅繡欣道渭龍五縣入  
焉 北流縣五年廢焉州省義石扶萊羅辨陵城四縣  
入焉 陸川縣七年廢順州省龍豪溫水龍化南河四  
縣入焉九年移治公平淳化五年復徙舊溫水縣  
邕州元祐三年五月十五日改邕州洞懷化洞為州先

是和峒零崇槩約土自順州廢即棄崇穴歸省地朝廷  
錄其功授以使額而有是詔大觀元年陞為望郡 樂  
昌縣舊名晉興開寶五年改景祐三年廢隸武緣縣  
初寧縣五年廢隸宣化縣 封陵縣五年廢隸武緣縣  
思龍縣五年廢隸如和縣 如和縣景祐三年廢隸宣  
化縣

融州大觀三年八月二十四日詔曰融州融水與區漳  
中巨屏山居谷聚控並海之蠻夷地大物荒據列城之  
襟帶封陞益斥墉壑肇新宜錫節旄用壯藩翰爰綏有  
衆永孚于休可陞為清遠軍節度 武陽縣熙寧七年  
廢隸融水縣 羅城縣開寶五年以桂州之珠州洞地

置熙寧七年廢二縣為鎮隸融水縣 紹興十四年十一月十四日廣南西路經畧安撫提點刑獄司言融州王口寨元保平州于紹興四年九月廢為王口寨隸融水縣本寨洞民輸賦詞訟並赴融水縣理訴動經月餘方始遣人到官乞改為懷遠縣改知寨為知縣差有才力膽勇武臣充所有理任任滿酬賞並乞依經畧司元奏得王口寨條例施行從之

象州景祐四年陞防禦州 來賓縣開寶七年廢嚴州以二縣來隸省歸化武化二縣入焉 武化縣開寶七年廢隸來賓縣元祐元年復永平縣開寶五年廢隸平樂縣大中祥符元年移治州

城東 龍平縣開寶五年廢富州來隸省思勤馬江二縣入焉

戎成縣熙寧五年復廢隸蒼梧縣 孟陵縣五年廢隸蒼梧縣 龍平縣五年廢富州以縣隸昭州省思勤馬江二縣入焉熙寧五年自昭州來隸

寧風縣咸義縣義昌縣開寶三年廢三縣隸鐔津縣岑溪縣熙寧五年廢南儀州來隸

龔州政和元年廢隸潯州三年復 陽川縣武陵縣隨建縣大同縣開寶五年廢四鎮縣隸平南縣 武郎縣開寶六年廢政和元年正月二十三日廣南西路經畧安撫司奏勘會本路管下龔白二州各管一縣稅租不



足官兵支費今欲將白州併廢隸壽林軍存留博白縣  
龍州并廢隸潯州依舊存留平南縣更各置主簿一員  
從之政和四年四月十一日尚書省勘會廣南西路龔  
州南平縣民戶梁政等狀為本州額于政和元年四月  
內承朝旨廢併龔州入潯州民心憂惶不願每至二稅  
供輸登涉山險至潯州動經五七日民戶道路勞苦自  
併廢後來流竄甚多况龔州四至容藤等州遠遠各二  
三百里容至桂十六程並無州府官兵防托又自藤州  
松江至潯州多有興販私鹽驚劫民戶不得安迹竊覩  
梅州元豐中亦曾入潮州自後鄉民自願添納二稅錢  
米乞行興復已蒙依舊還州額訖今來乞依梅州例添

納二稅錢米各一分依舊興復為龔州從之

潯州開寶五年廢隸貴州鬱林縣六年復為潯州 皇

化縣大賓縣五年廢隸桂平縣 平南縣舊龔州紹興

六年廢為平南縣來隸

宜州宣和元年升為慶遠軍節度 淳化元年正月十

四日詔嶺南道羈縻縻州鎮寧州金城州智州懷遠軍

並依前隸宜州先是建琳州為懷遠軍以溪洞諸州隸

焉至是始復舊制夷人便之宜州熙寧八年徙治帶溪

元豐六年復徙龍水縣舊治 忻城縣慶歷三年自羈

縻芝忻州來隸 河池縣治平二年自羈縻智州來隸

省富刀縣入焉

永定縣開寶五年廢靈州以縣來隸省武羅靈竹二縣  
入焉熙寧四年廢縣為鎮隸寧浦元祐二年復樂山

縣嶺山縣從化縣五年廢隸寧浦縣

化州乾道三年九月十八日廣南西路經畧安撫都鈐

轄提刑轉運司言化州吳川縣管下西鄉地廣民衆去

州遠遠乞將吳川縣所隸西鄉別為一縣于古辨州石

城地創置以為石城縣從之化州唐辨州太平興國

五年改石龍縣舊改為羅川縣紹興元年依舊石

城縣乾道三年九月十八日析吳川縣地置

高州景德元年廢隸賓州三年復置良德縣保寧縣

開寶五年廢隸電白縣茂名縣五年廢潘州以縣來

隸省南巴潘水二縣入馬信宜縣舊名信義七年省  
潭我懷德特亮三縣入馬太平興國元年改今名熙寧  
四年廢賓州來隸

雷州遂溪縣開寶四年廢入海康縣紹興十九年復  
紹興二十二年二月十一日詔復置雷州遂溪縣從  
本路諸司之請也

白州開寶五年廢隸廉州七年復置政和元年廢隸鬱  
林州三年復博白縣五年廢白州以縣隸廉州省南  
昌建寧周羅三縣入馬七年復來隸

欽州天聖元年四月二十八日廣南西路轉運司言相  
度欽州徙南賓寨建置委得安便從之

鬱平縣興德縣開寶六年廢隸興業縣

南流縣七年

廢党宰二州以縣來隸省六縣地入焉

博白縣舊白

州紹興六年廢為博白縣來隸

廣州開寶五年移治長沙場太平興國八年州廢于海

內鎮置太平軍咸平元年四月復為廉州

瓊州政和元年陞為靖海軍開寶四年平偽漢以崖州

三縣來隸兼提舉儋崖萬安等州水陸轉運事瓊山

縣開寶四年于儋廢縣地復置文昌縣澄邁縣五年

自崖州來隸舍城縣五年自崖州來隸熙寧四年廢

隸瓊山縣

鎮州大觀元年建仍為龍門郡下都督府陞為靖海軍

尋廢

唐安州熙寧六年廢為軍十年復樂會縣元隸瓊州  
大觀三年割隸軍

瀧州開陽郡領四縣開寶四年廢州省開陽建水鎮南  
三縣入龍水縣六年州廢以縣隸康州

勤州富林郡領二縣開寶五年廢州省富林縣入桐陵  
縣隸春州

潘州南潘郡領三縣開寶五年廢州省南巴潘水二縣  
入茂名縣隸高州

羅州陵水郡領五縣開寶五年廢州省廉江零淦水  
南河四縣入吳川縣隸化州

富州開江郡領三縣開寶五年廢州省思勤馬江二縣入龍平縣隸昭州元豐七年以邕州建衆寨建

澄州賀州郡領四縣開寶五年廢州省止戈賀水無虞三縣入上林縣隸邕州

蠻州永定郡領三縣開寶五年廢州省武靈羅竹二縣入永定縣隸橫州

牢州定州郡領三縣開寶五年廢州省定州宕川三縣入南流縣隸鬱林州

党州寧仁郡領四縣開寶五年廢州省容山懷義撫康善牢四縣入鬱林州南流縣

縉州常林郡領三縣開寶五年廢州省常林河林羅綉

三縣入容州普寧縣

潯州溫水郡領三縣開寶五年廢州省我石扶萊羅辨  
三縣入容州北流縣

順州順義郡領四縣開寶五年廢州省龍蒙溫水龍化  
南河四縣入容州陸川縣

巖州修德郡領二縣開寶七年廢州省歸化縣入來賓  
縣隸象州

春州南陵郡領三縣開寶五年廢入恩州復置仍省羅  
水流南二縣入陽春縣廢勤州以銅陵縣來隸大中祥  
符九年廢入省新州天禧四年復置熙寧六年廢州省  
銅陵入陽春縣隸恩州 銅陵縣熙寧六年廢州以縣



入陽春縣隸恩州

蒙州蒙山郡領三縣太平興國二年改正義縣為蒙山縣熙寧六年廢州以立山縣隸昭州省東區蒙山二縣入焉立山縣熙寧廢州以縣隸昭州省東區蒙山二縣入焉

南儀州唐義州郡領三縣開寶四年加南字五年廢入賓州六年復置省連城永業二縣入岑溪縣太平興國二年改儀州熙寧四年廢入藤州天聖四年五月初八日廣南西路轉運司言南儀州實在山險中多有瘴瘴前後官吏軍民亡歿者衆乞移于岑雄驛平坦之處建立從之

賓州懷德郡領四縣開寶五年省潭我懷德特亮三縣入信義縣太平興國元年改信義縣為信宜熙寧四年廢入高州

振州開寶五年改崖州熙寧六年廢為朱崖軍  
平州崇寧四年以懷遠軍陞為州紹興四年廢 懷遠

縣崇寧四年建

九州舊安口隘崇寧四年建

從州舊中古州崇寧四年建為格州五年改

庭州大觀元年以宜州河池縣建

孚州大觀元年以池州建隆縣建宣和三年廢為寨

歸仁縣大觀元年建宣和三年廢

觀州大觀元年建紹興四年廢

隆州政和三年建宣和三年廢為寨 興隆縣政和三

年建宣和三年廢

允州政和三年建宣和三年廢為寨 萬松縣政和三

年建宣和三年廢

懷化州元祐三年以邕州溪洞建

吉陽軍紹興六年廢為寧遠縣十三年復

方域 州縣陞降廢置 雜錄 大祖建隆元年三月

一日有司上言請改天下郡縣名犯廟諱及御名者從

之 四年十月二十三日詔應有防禦團練刺史州帶

都督府額者並停仍為上州 乾德二年十月六日吏

部格式司言準周廣順三年十月敕應天下縣除赤次  
赤畿次畿外其餘三千戶以上為望二千戶以上為緊  
一千戶以上為上五百戶以上為中不滿五百戶為中  
下據今年諸道州府申送到文帳點檢元降敕命戶口  
不等及淮南秦鳳階文瀛莫雄霸等州未曾陞降地望  
今欲據諸州見管主戶重陞降地望取四千戶已上為  
望三千戶以上為緊二千戶已上為上一千戶已上為  
中不滿千戶為中下自今仍欲三年一度別取諸道見  
管戶口陞降詔從之 凡望縣五十戶二十八萬一千  
六百七緊縣六十七戶二十二萬八千六百九十三上  
縣八十九戶二十一萬八千二百八十中縣一百一十

五戶一十七萬九千三中下縣一百一十戶五萬九千七百七十總九十六萬七千三百五十三戶此國初版籍之數也 開寶九年七月二十二日詔應新修先代

帝王及五嶽四瀆祠廟如有去縣鎮相近者即仰移其縣鎮就廟為理所 十二月史官較州縣之數元年有州百一十一縣六百三十八戶九十六萬七千三百五十三至是州二百九十七縣千八十六戶二百五十萬八千九百六十 太宗太平興國元年十月十一日詔應官階州縣名有與朕名下一字同宜改與上一字同者仍舊 太平興國三年四月二十二日詔改嶺南道監州為鶴州尋廢 雍熙三年三月十九日王師北伐

田重進之兵圍飛狐偽武定軍馬步軍都指揮使鄆州防禦使呂行德副都指揮使張繼從馬軍都指揮使劉知進等舉城降詔陞其縣為飛狐軍 淳化五年八月十九日以席羅城寨為清遠軍以解州防禦使田紹斌知軍事後陞廢 景德四年三月二十二日詔改鄆州台州縣與陵邑同者 大中祥符五年七月六日詔曰瀕河列郡在常賦以彼同屬邑分疆或長津之是阻爰念供租之際非無涉險之勞移隸官司庶從民便宜令京東京西河北陝西轉運司與逐州軍長吏同相度汧河縣分鄉村各于河南北就便管轄 十一月九日詔州縣名與聖祖名同者避之 天聖七年九月十六日

詔軍縣驛名與永定陵同者改之 天禧元年五月八

日詔改撫水州為安化州撫水縣為歸仁縣京水縣為

長寧縣時曹克明破撫水蠻其首領蒙承貴有請故從

改之 皇祐五年十二月二十二日詔廣南西路安撫

司以廣州隸容州龔州隸邕州提舉 神宗熙寧四年

二月十八日詔監卑州酒稅太常丞集賢校理趙彥若

歸館管勾畫天下州府軍監縣鎮地圖先是中書差圖

畫院侍詔繪畫而詔差有記問朝臣一人稽考圖籍庶

不失真故命彥若領之 熙寧四年十一月十八日西

上閤門使榮州刺史知代州高道裕言已收復清遠軍

并常州監軍司清遠軍正當隘險可以屯聚兵糧合依

舊置軍增修城壘其韋州在橫山之北西人恃此為扼  
故立監軍司屯聚兵馬防托興靈等州從之 熙寧九  
年八月六日三司使沈括言看詳天下州府軍監縣鎮  
圖其間有未完具處先曾別編次一本稍加精詳尚未  
了畢欲乞再許于尚書職方暫借圖經地圖草躬親編  
修從之 大觀元年十一月二十五日詔鎮州國家際  
天所覆悉主悉臣薄海之南增置郡縣凡前世羈縻而  
弗可隸屬者莫不稽顙謁順附王化奄有夷峒殆千  
餘所懷保丁民踰十萬計錫多列壤中直黎山控扼六  
州為一都會顧惟形勝實據上遊俾升督府之雄庸示  
節旄之寄式昭文德永載輿圖可以靖海軍為額 十



一月二十七日廣南西路經畧安撫使王祖道奏知南丹州莫公佷就擒已進葉平允從州外到文地蘭那安化外習南丹八州之地併為鎮庭孚觀州延德軍通八州軍 三年正月二十四日詔胡耳西道蠻面慕網土福員千里宜有以鎮撫其俗可令王子貳同王長孺度地之要據其腹心建置一州仍令長孺知州事 政和元年七月二十六日詳定九域圖志何志同奏地理志有赤有畿有望有緊又上中下之等其法自唐始後周因之以三千戶以上為望二千戶以上為緊千戶以上為上五百戶以上為中不滿五百戶為下亦各一時之制也建隆初從有司所請通增千戶不滿千戶為下仍

三年視諸道戶口為之陞降逮今百五十餘年其數陪  
于前矣而縣之第名仍舊若齊州歷城戶九千七百今  
為紫臨邑萬七千戶乃為中杭州臨安戶萬二千今為  
望鹽官戶二萬四千乃為上乞命有司叅酌舊制量戶  
口多寡之數以為諸縣陞降之法使縣之第名常與戶  
版相應從之 十二月二十三日廣南西路轉運副使  
陳仲宜等奏據昌化軍狀昨于大觀元年六月內于海  
南黎母山心置一州以鎮州為名及于沿海置一軍以  
延德軍為名各將本軍元管下昌化感恩兩縣撥隸上  
項州軍却于本軍界內創置通華四達兩縣出差貨物  
不多并深在黎洞中間別無人旅往還奉聖旨海南新

置鎮州延德年縣寨並廢罷所有昨賜鎮州作靖海軍  
軍額撥歸瓊州 五年四月四日戶部員外郎沈麟奏  
承詳定九域圖志所申取到天下戶口竹戶部叅酌升  
降送圖志所看詳契勘本所申請稱自唐始至後周縣  
以三千戶以上為望二千戶以上為緊一千戶以上為  
上五百戶以上為中不滿五百為中下國初增四千戶  
以上為望三千戶以上為緊二千戶以上為上一千戶  
以上為中不滿一千戶為中下今來取索到提刑司審  
括到戶數彼舊已增數陪難以依舊志編類欲乞元係  
赤畿次赤畿依舊外今以下項戶數為則編類所貴道  
執成書一萬以上為望七千戶以上為緊五千戶以上

為上三千戶以上為中不滿二千戶為中下一千五百  
戶以上為下從之 高宗紹興元年九月一日詔今後  
遇有軍期其全州許聽廣西經畧安撫司節制互相應  
援時主管廣西經畧安撫司公事許中言桂州係置帥  
去處北至本州畧百餘里地勢平坦自界首至全州八  
九十里間重岡複嶺多有險阻緩急可以措置把拓如  
去春虜騎侵犯長沙全州遣官告急本路經畧司即調  
發人馬前去應援緣全州係屬湖廣路于廣西經畧司  
未有節制若割隸廣西路實為經久利便故有是詔  
紹興四年二月五日三省言廣南東西路宣諭使明索  
奏乞廢罷平觀二州免支移應副之苦詔令廣西經畧

轉運提刑司限一月相度廢罷條具沿邊事宜及經久利害結罪聞奏九月七日廣西轉運提刑司平觀二州因弊本路有害無益合行廢罷乞依舊制罷觀州為高峯寨平州為王口寨詔依其兩州知州改為知寨逐寨人兵令帥司斟酌存留紹興六年八月二十九日廣南西路經畧安撫轉運提刑司言乞依政和元年指揮州白州依舊廢為博白縣隸鬱林州龔州廢為平南縣隸潯州逐縣各存縣令縣尉外增置主簿一員管認賣鹽收稅租賦等事從之時臣僚言嶺外州軍多是偽漢建置徒有虛名如龔潯貴白每州戶口不歸數千竭一州租稅不能償官吏之費白州距鬱林州總八十里龔

州距潯州六十里國朝以來屢經廢併政和六年因白  
州放罷吏人盧暉偽作本縣人戶姓名妄稱情愿于租  
稅額外每貫增添稅錢五百足陌米每碩加增三斗贍  
給官吏乞復為州龔州亦因平南縣梁甚陳狀乞添納  
二稅米錢各二分依舊為州本路帥司監司不顧實利  
害取降指揮並復州額前任廣西提點刑獄公事巡歷  
到白州據情白縣百姓奏實等狀從初增添稅錢等即  
非人戶情願遠達州軍輸納不前以致逃竄乞依舊額  
龔州人烟又不逮白州並乞廢併將兩州所增苗稅悉  
行改正依舊額均敷劄下本路監司相度可行故有是  
命 十月二十三日萬安軍言本軍已廢作縣今來即

無撥隸瓊州之文亦無萬安縣名額省符內並不該載  
吏部勘當萬安軍承指揮隸瓊州今來合以萬安軍使  
兼知瓊州萬安縣稱呼其倉庫受納支遣係主簿本職  
兼兵官係極邊與黎人相接難以廢罷詔倉庫糧料院  
等印記並依舊行使廂禁軍依舊就本軍勘請仍仰瓊  
州通判每季詣軍取索驅磨點檢所有本軍陵水縣依  
舊隸瓊州差縣令一員兼主簿職事存留水陸巡檢兼  
尉司職事餘從之 紹興九年十一月三日詔新復州  
軍民戶未全歸業官吏猥衆難以贍給仰逐路監司相  
度縣鎮有民戶稀少去處權行省併以寬民力限一月  
措置聞奏 紹興十三年九月五日詔復瓊州寧遠縣

為吉陽軍萬寧縣為萬安軍宜倫縣為昌化軍並免隸  
瓊州今後止差軍使兼知倚郭縣事 十四年三月十  
七日詔階成西和鳳州併屬利州路 十月三日詔昌  
化軍萬安軍吉陽軍依舊為軍差置守臣其餘元管屬  
縣仍舊撥隸逐軍合置官屬等並依紹興五年未廢併  
以前事理施行 二十九年三月二十日臣僚言切見  
兩淮民事稀簡官曹猥多乞令漕司省併閑慢窳闕以  
寬民力詔令帥漕臣同其審度其合省併員數申尚書  
省 紹興二十九年七月三日淮南路轉運判官孟處  
義言真州軍事推官一員緣民事稀簡可以省廢併在  
城都酒務見係雙員欲減一員吏部勘會欲依所乞將



見任人令滿今任日省廢其差下人依省罷法詔依其  
見任人如願省罷者聽 紹興三十二年六月十八日  
孝宗即位未改元禮部侍郎黃中等言乞照國朝故事  
天下山川地名入姓名及州府軍監縣鎮官司及敕賜  
名額寺觀取旨有犯御名者合易從之

全唐文

宋會要

恩

陽春縣

開寶五年廢春州來隸南安州六年復置春州省流南

此條移前

第十五頁第

六行廢歷

年上

羅水二縣入焉熙寧六年廢春州復來隸又銅陵縣開

寶五年廢勤來隸熙寧六年廢勤州富林縣省入銅林

縣是年又廢銅陵縣隸陽春縣圖經云符祥曰新春縣

盧多遜貶朱崖諫議大夫李符適知開封府求見趙普

言朱崖雖在海外而水土無他惡流竄者多獲全春州

在內地而近至者必死望追改前命亦以外彰寬宥乃

置於必死之地普領之後月餘符坐事貶宣州行軍司

馬上怒未已今再貶嶺外普具述其事即以符知春州

春州南陵郡領三縣開寶五年廢入恩州六年復置廢  
勤州以銅陵縣來隸祥符九年廢入新州天禧四年復  
置熙寧六年廢州省銅陵入陽春縣隸恩州